



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber dissencionum archiepiscopi Coloniensis et Capituli Paderbornensis

Dietrich <von Engelsheim>

Münster, [1893-1897]

41. Litera directa capitulo Monasteriensi per capitulum Paderbornense, ut eorum dominum supplicet, ut ad fratrem suum archiepiscopum Coloniensem intercedat, ut dictam incorporacionem dimittat.

[urn:nbn:de:hbz:466:1-54427](https://nbn-resolving.org/urn:nbn:de:hbz:466:1-54427)

genade, gy unde andere de sine dan to herten unde unwillen nemen wolden, wilt nue betrachten, vor ougen haven unde besynnen unde dat vorhoden helpen na iuwen vormoge, also wy des eynen ganssen geloven to ju haven.

Dat wil wy myt unsen bede¹⁾ unde willigen denste umme de mergenompte iuwe genade, de Got in eren, an live unde salicheit der sele altyd grotliken bewaren mote, willentliken gerne vordenen unde vordenen laten. Unde begeren des iuwer genedigen gunstigen antworde hirvan wedder, dar wy myt den unsen uns na richten mogen. Gescreven under unsem secret, die Fabiani et Sebastiani anno Domini ect. XXXI.

Domprovest, domdeken unde capitel to Paderborne.

Den ersamen hern, domproveste, dekene unde capitele to Monster, unsen leven heren.

Unsen vruntliken denst vorgesat, ersamen leven **41.**
heren! Gy mogen wall vernomen hebben, wo unse ge- 1431
nedige here van Colne darena sere steit, dat stichte^{31.} Octbr.
van Paderborne, to ewigen tyden to blyven, an syn
stichte van Colne to brengen, des wy synen genaden
nicht togelofft²⁾ hedden. Unde wandt des also, — wy
eme mogelik,³⁾ also wy meynen, — nicht solde syn ge-
scheyn, unde wy des ouch nicht tolaten, noch overgheven
mogen na gelegenheit syner unde unser, als gy wall
proven mogen, so syn wy dairwedder, so vele also wy
konnen, unde helden gerne dat stichte van Paderborne
by alsulken reichten, also wy dat vonden hebben.
Hebben dairumme menniger oitmodeliker heden unde

¹⁾ Gebet. ²⁾ zutrauen. ³⁾ wie für ihn billig.

schriff an unsen hern gedaen, vor uns bidden unde doen laten, dat syne genaden alsulke vorderinge hedde willen affdoen, dat stichte vorgenompt lete blyven, also dat an ene komen were.

Uns duchte, wan he dem also hedde willen doen, were genoch gewesen, dat stichte to behoilden, also he dat hadde wandt an tydt der vorderingen, de he nu doit; dare he sych noch nicht hevet an gekart. Dan he hevet sere scharpe vorderinge gedan in der saken, synen willen vort to bringen myt der manschopp unde steden des stichtes vorgenompt unde doit noch myt den unde anderen synen maegen unde vrunden, so dat he eyndeils der manschopp to sych hevet gekregen, de sich dare an sere bewyst hebben unde bewysen, dat se gerne segen, dat unse here der saken synen willen vortbrechte. De¹⁾ dat wall mochten myt gelymp²⁾ gelaten hebben.

Der stede en hevet unse here ouch nicht vergeten, he en hebbe(t) sich genoch an den besocht.³⁾ Wy hopen doch, de willen besorgen,⁴⁾ wo ere eldern, vorfaren unde se syn myt dem stichte bewandt gewesen unde noch syn solden. Vorder hevet he erworven scryfft syner mage unde vrunde in der formen, also dese copie inholdet, hyrynne besloten, der unse genedige here van Monster an uns hefft geschreven, gelich inholt, dar wy synen genaden by⁵⁾ desen boden up schriven.

Unde wandt wy wall wethen, dat ju unse unwillig, schade unde vurdrucken leyt is, so soken wy an ju nu raid unde troest, des uns van unsen heren unde vrunden noet is, biddende myt vlyte, so wy denstlichste mogen, dat gy willen vor uns bidden unsen genedigen heren van Munster, wo gy meynen, dat juwe bede uns beste

¹⁾ bezieht sich auf die Ritterschaft. ²⁾ ehrlicher Weise. ³⁾ sich bemühen.
⁴⁾ sorglich erwägen. ⁵⁾ durch.

nutte werden mochte, dat syne genade umme Godes, syner leven moder, unser patronen unde unser bede willen synen broder, unsen genedigen heren, wille bidden, dat he syne ungenade van uns kere, de uns swar is, dat stichte van Paderborn late by reichte unde frygheit, also he dat vonden hevet, also wy hopen, dat unse here mogelijk doen solde.

Mochte wy dan bede¹⁾ unsis genedigen heren van Monster eder anderer heren, den wy ouch also eme schreven, nicht genyeten,²⁾ unse here en wolde uns unde des stichtes undersaten verderven an vryheit unde gude, so brecht uns groet noet dairto, dat wy uns des mosten vorder beclagen, dan wy noch doen willen. Besorgen, dat solde unse genedige here van Colne unde de syne vor unwillen nemen; des wy to male gerne umme gyngen. Wat unse here ouch schryfft van geboden, de he solle hebn gedaen ect., dair is van unser wegen up geantwert, dat sy van eme bescreven unde besegelt, wor³⁾ he van syme capittel recht solde vorderen, off he dat hedde. Dair he noch nicht an hevet gewolt. Dan he seyge⁴⁾ gerne, dat sommigen⁵⁾ des stichtes undersaten, de he to sych hevet gekregen, boven⁶⁾ unse besegelden breve reicht wyseden. Off des wat gescheyn mochte unvorbroken unses reichten, so weren se uns doch ungelike richtere.

Lieven heren! Unse genedige here van Monster, gy, alle stichte unde capittel syn unser mechtich, dat wy nicht en gheren myt unsen heren dan to doen unde to nemen, wo unde war uns dat gebort. Wy hopen uns, unse genedige here van Monster unde andern heren en willen uns nicht helpen vorunreichten unde vorderen boven dat, also vorgescreven is. Dusser unser scriff

¹⁾ der Fürbitte. ²⁾ theilhaftig werden. ³⁾ wie. ⁴⁾ sähe. ⁵⁾ einige.

⁶⁾ wider, gegen.

en wilt uch nicht vordreten laten, dairynne uch bewysen, alse wy uch geloven. Dat wille wy gerne vurdenen. Scriptum die Quintini ect.

Domprovest, deken unde capittel to Paderborn.

Wilhelm unde Hinrick to Brunswig unde Luneborgh hertogen ect.

42. Unsen frundliken grud to vorn, leven bisundern frundel
 1431 Sulke gebode, als der erwerdige in God vader, unse
 11. Octbr. leve here broder unde bisundern vrundt, her Dyderich, ertzebischoff to Colne ect. in jegenwordicheit iuwer eyndeils unde vele(r) prelaten, graven, heren, rittere unde knechte unde vele anderer vromer lude gedaen had, bidde wy ju gutliken, dat gy deme naghan unde ju myt dem genompten unsem heren broder unde bisundern frunde dairumme gutliken verdragen willen, wenn wy nicht gerne seghen, nae dem als syn leve unde wy undir eynander ghewandt syn, dat gy eme sulker geboter uetghyngen¹⁾ unde ju also over sulche geboder tegen on setten wolden. Unde wy mochten syne leve dairover nicht laten. Geven to Zelle am donredage na Dyonisii under unserm secrete. Anno XXXI.

Den erbaren heren domproveste, deken unde capittel der kerken, burgermestere unde rade der stad Paderborn, unsen guden vrunden.

Alse dusse vorgeschrevene breff kam, do sanden dergeliken unse here van Munstere, hertoge Otto van Brunswig to Uszler, de greve van Stromberg, de greven van Waldecke, de greve van Tekeneborg, de greve

¹⁾ verweigern, sich entziehen.